

有張位
文西
節先
聲公
生
遺遺
集稿
畫集



叢書集成

初編

主編者
王雲五

商務印書館發行

編主五雲王

編初成集書叢

種二他其及稿遺生先西位

中華民國二十六年六月初版

發行人

王雲五
上海河南路

印刷所

商務印書館
上海河南路

發行所

商務印書館
上海及各埠

章

九六二

（本書校對者龍旭光
曹鈞石）

位西先生遺稿

本館據滂喜齋叢
書本排印初編各
叢書僅有此本

位西先生遺稿

清 仁和邵懿辰撰

僧伯言過廠肆買書有作

莊生貧如涸轍鱗。豈有羣書供懶祭。翻新不肯襲糟魄。屬書離辭何詆詆。古者私家無竹帛。閭塾相傳但經藝。後來著作日紛紛。棗木行將塞四裔。傳摹甚易得不難。翻使聰明受揜蔽。當年制字煩鬼哭。更欲燒書起秦帝。就中古冊不可無。一二菁英擢蕪翳。連鑪不厭百回看。洛陽市肆歡遊詣。先生庋架盈古香。十萬騁臚簡精銳。此皆下駟不足貪。識寶波斯偶留憩。叨同雅好耽紺素。愧與市人生校計。得虞重費囊底羞。失每牽懷夢中嘆。先生一笑子歸休。臥想陶陶結繩世。

送戴少司馬南歸二首

五更浙浙鱸江雨。青山入夢神先舞。一身乞得一家驚。忽把衣冠掛神武。妻孥童僕何足計。獨遶庭階心口語。諸公自是廊廟人。老子歸作湖山主。山麋澤鷺野心性。強著金璫無太苦。居然漫叟返邱園。尙惜朝衫帶塵土。白蘋黃葉滿江風。飽飯船窗聽鳴榔。不恤人呼老畫師。身入畫中誰畫取。滄波淼淼一扁舟。臥看秋漁收晚罟。公勿自疑應自許。此事今稀良近古。青鯨跋浪入重溟。下視萬魚空响响。金貂玉蟬非性分。曾不羞慚謂天與。以同自證死不閒。謬竊光榮眩兒女。如公一占蜚遞爻。愛網百重斯以斧。豐狐文豹脫災皮。建德遨遊孰能阻。旁觀尙覺腰帶適。四體乍如生翼羽。任呼狂客似知章。免作尙書等懷祖。眼看

筐篋事紛紛。滅沒飛鴻下平楚。

寓齋

獨樹穿藤格。深蕪翳竹根。客來書滿坐。雪後月當門。市近心偏遠。樓高室易昏。不須還潤色。樸處似山村。

徐氏女南歸

在目似不隔。翻愁夢見空。團圞此家裏。索莫汝途中。下倚新傭僕。偏寒欲雪風。船窗俯霜水。逐照北來鴻。

偶憶五首

城櫓如腰鼓。江彎似折之。人家抱山住。小雨濕樓遲。峯斷市橋合。竹開津步欹。不論紅在樹。綠暗也相宜。墓檜經雷劈。祠蓮照水開。容光能倒塔。有鶴不孤梅。隄月穿橋過。僧船掛席回。香車迎畫舫。門入湧金來。濤勢通胥母。溪流近若耶。春盤雪裏蕪。雷鼓雨前茶。二月連三月。桃花間菜花。半山山下水。綠浸野人家。直上山顛路。仍如市裏行。樓臺重木末。鐙火滿春聲。金地遊人湊。寶蓮泉水清。感花何所感。詩壁駁苔生。香市喧三月。雲巖冷半房。石泉分井味。山閣得湖光。古寺傳鐘慢。比鄰噉藥忙。不知松鼠穴。舍後樹多長。

和文信國公琴

萬里商聲白鴈來。鳳山鍾處變寒灰。朱厓惡浪君絃絕。碧血陰房正氣摧。市上龍章看昃日。海邊鼉憤蹴奔雷。當年一曲漸漸麥。蕉雨松風百倍哀。

吳門郭季虎以十月十七日壽放翁於今四年矣朗亭徵詩

放翁豪放人間無。紫皇案前餐碧腴。八十五年詩萬首。天風吹瀉滿清都。不願腰間玉鹿盧。九環寶帶青珊瑚。但願珊瑚戈橫鐵馬銜枚。雪夜超飛狐。成都名花十萬株。眉州玻瓈春百壺。醉上凌雲手招月。金骨綠髓僂之臞。百年一瞬幽蘭墟。麗川亭下芳華徂。中原半壁皆不壽。但留團扇家家圖。我欲持杯酌太虛。朱樓白塔歸來乎。不見荒寒京水道。青驪踏雪靖南湖。

從朗亭乞冬筍索賦

吳兒食筍如食肉。四時環生無絕續。春雷出土夏雨肥。秋剛行鞭白於玉。未若冬生味奇雋。竹本虛心偏實腹。淺雪籬邊鴉嘴攜。黃泥裂處貓頭伏。重重苞脫錦繡嬰。鱗鱗尖翹繭角犢。我住都門向十載。時時夢到篋管谷。瘦萌苦蘢不入餐。影拂窗紗僅名竹。誰歟絨相致燕市。價識倍三苦難鬻。不禁忍俊聊乞取。肯自佳廚分旨蓄。和糝從添黃韭新。淪羹恰佐紅蚶熟。喧呼釀飲七峯廬。不畏平陽近連屋。手撻索我作僧詩。恣嚙酣眠諾已宿。似聞飽食大官羊。欲遣園蔬歸掌錄。相公食筍自名齋。玉板禪參蘇玉局。果令仙籟化渭川。容叩公門再三瀆。但恐琅玕咒不成。仍望南天齋急足。不如同日解青衫。去看家山萬竿綠。

寄姚石甫先生三十韻

歸來兩鬢絲。一劍撥年衰。作客因交厚。封侯信數奇。東槎泛龍伯。西驛抵烏斯。漲海昔多警。樓船能出奇。一丸憑島峙。四戰固藩籬。直擬苴茅賞。翻遭薏苡疑。孟舒就鉗欽。吳起泣漣洏。已分窮邊棄。仍邀特達知。豐碑沉峴首。皂蓋下峨眉。雲閣方虛伫。幃門不詭隨。心陵長史貴。論戒釋之卑。虎落埋奴誓。犍爲捧檄馳。

崎嶇荒徼外。潦倒暮年時。五餌朝方用。三明世不思。幡然還白下。渾欲老鳩茲。入幕材非屈。迎門簪早持。蘭陵三祭酒。卽墨一神師。餘緒分籌筆。旁觀看奕棋。河漕調衆帥。瘡札輯遺黎。要使扶元氣。非專濟度支。理財劉晏策。論事馬周辭。上客談風月。羣賢接履綦。都官同乞罷。故里適相期。白首成雙美。黃花對一卮。新篇開共和。舊事邈猶追。哀想竹林詠。愴吟梁木詩。山川攬龍虎。翰墨引蛟螭。海氣連溟渤。江流導蜀夔。人生如夢耳。憂患飽更之。學道一無事。茫茫餘酒悲。

寄方植之先生

面見知何日。心親亦有年。淮南高隱地。薊北早寒天。忽枉書尺至。如陪函丈筵。說經老不厭。述造富千篇。馬鄭原通學。雷同乃俗流。浮雲有時盡。白日照千秋。寄語幼誦子。勿徒名象求。殷勤掃榛蕨。茲意豈悠悠。爲儒宿有名。傲骨況嶢嶢。卻說多衰病。應難作遠行。丹厓來馬嘖。白髮禮熊生。可使衡門下。蘭枯桂獨榮。

寄合肥徐懿甫

高人徐仲車。質行向詩書。豪傑交三楚。文章辨一魚。季心知劇孟。楊意荐相如。早晚北隨計。歌吟辭舊廬。至日入直。

周正尊三統。陽生又一年。紅舒中禁日。青裊大壇煙。雞樹含春意。貂衣卸午天。無風知有雪。消息到梅邊。

前湖晚眺

落日山後光。斷霞紅在底。湖開天宇空。雲凝風固止。何來萬蜻蜓。整整交戲水。下有魚吹泡。圓漏散復起。

隄東樹色冥。天光漸西委。負手憺忘歸。遊神高空裏。

題汪楓人遺墨

當年玉樹竝高名。各有清才噪鳳城。一自西風吹斷鴈。蕭蕭喬木動秋聲。絳紗帷裏聞詩教。白玉樓邊索替人。想得賢兄收錦字。金鼇聽雨獨傷神。

楊性農孫琴西入翰林各以詩賀

神魚啖鉤情。不能赴瀾漫。鳳羣見鸞驚。寶所摧琅玕。君從田間來。喜彈頭上冠。文林要識職。諫紙且旁看。羣公何天衢。奮欲殿檻攀。朋來一陽復。邪許五雲端。麻冕百川納。賢路亨無艱。君適應時須。怵怵激忠肝。獻曝太早計。行不貴苟難。藏身善弓矢。養氣銳鎔干。一語尤服君。慎勿家於官。刺刺顧婢子。茅艾化荃蘭。春虛采蘋宮。載途涕汎瀾。涼秋急歸宅。衣錦誰與歡。東閣觀奇士。北軼休盤桓。還來共臣朔。索米向長安。

又

文思繼明照。策士天網頓。招要我輩人。談詠共量飯。魯徐號文雄。戰藝力敵萬。溫生老魁壘。餘子悉騰健。如何但雙鳥。舉翮皇路獻。不能盡豪英。一二足程勸。楊君出荆璞。流血矜久困。君固愜衆期。教胄名早建。嗚呼島王子。侍立花繡褹。傳詩滿東瀛。搖毫珠璣噴。有弟方乘輅。桂海滋蘭畹。金昆復館職。如玆照塵坌。嗟時不說學。紫清跡頗愿。挾摛振凡庸。趨走守古鈍。上惟君子使。下無朋友怨。勉率樹英聲。勿爲麒麟楨。次韻芝房見柬

年來騎省髯彫疏。寂寂閒花笑獨居。春夢莊周迷蛺蝶。秋風張翰憶鱸魚。煙波北渚愁懷裏。塵土東華散直初。解向長安吟落葉。聊衝赤尹緩歸驢。

次韻芝房偕性農見訪

獵獵西風吹葛山。行吟誰識鳳池身。鐙窗促坐成新詠。月地聯遊得故人。斷酒年來呼惡客。讀書夜分聒旁鄰。懷中磊落刊修筆。不屑蟲魚注李巡。

過黃子壽適涼書畫滿壁賦呈賢尊考功

古人之心不可尋。颯然秋風一室深。還留古人精爽在。鸞鳳飄泊紛來臨。君家丈人愛書畫。料間不使蟲埃侵。中庭暴畏風日損。懸之素壁高堂陰。海王村中走僕僕。君從而後遊書林。各投所好望門入。此時父子忽異心。米老蒐奇有古癖。王充入市惟書淫。歸來堆疊滿篋几。論價不惜酬兼金。俸錢到手便傾付。清茶展對喜溢襟。君之蓄書求有字。紙板不辨古與今。未若丈人精品目。縑素甲乙排森森。朱絲鐵石不遺恩。九原喚起欣知音。夜闌直恐虹貫月。四邊金薤垂琅琳。臥游倘欲衆山響。中坐一鼓龍脣琴。

喜聞少鶴病已

君在窮途慶更生。丈夫未死要崢嶸。膝擊市上還談相。足斷車中尙用兵。況復走同黃犢健。何須歸踐白鷗盟。便應西向長安道。春水江船盡室行。

翰臣書來道粵西土賊甚劇

嶺外何時換祝良。探丸赤白太披猖。賊如原燎嗟難撲。官似池魚恐見殃。決瘡潰癰如緩緩。帶牛佩犢轉穰穰。安溪故事君宜勉。一展龍馭掃陸梁。

孫芝房蒼筤谷圖

君胡繫思蒼筤谷。君今身寄金馬門。得時雷動不遑息。九華殿上重蒙恩。五溪歸來納使節。殺青掌錄勞朝昏。湖南接天暗篁竹。萬古草綠瀟湘翻。君非其時歸豈得。中谷漫指桃花源。青鞋黃帽野人具。白雲翠篠山凹村。君曰童時所游釣。側耳清夜聞啼猿。出山幾何神弗王。有如澤雉投籠樊。昨者西風動衫袖。夢到茅屋蒼厓根。長鑱凌虛劇僊藥。短紙曲折開秋原。玉堂不見郭熙畫。時復對此蘇心魂。

中秋夜有懷言翁

常月月有圓。舉俗愛此日。兒童未夕譁。清光盼東溢。家家羅酒飯。合坐同親暱。羣喧默懷思。所思古之逸。相從過陋巷。十載會真率。茵馮具宜稱。可意書滿室。論文向鐙窗。一笑萬慮失。經年別未久。秋戶又鳴蟀。江都著書地。側想富文筆。佳節誰與歡。步月爲誰出。曩歲留詩約。遊蹤果合一。料得桃花庵。不眠對吳質。

答董思陶

鬱抱閒愁不自寬。獨攜詩卷別長安。空陳曼倩三千牘。莫累宜僚十二丸。白雪歌成聽愈寡。黃金費盡說仍難。大江東出縱陽渡。何處磯頭着釣竿。

答戴存莊

君住桐鄉最北鄉。偶來書劍謁天閭。飄飄詞賦名原大。落落交游意轉長。暫逐狗屠飲燕市。終期龍臥起南陽。歌豐自得湖陰樂。我獨離憂仰屋梁。

宣宗成皇帝挽詩四章

數做堯年水。頻瞻禹貌鰲。憂民天有淚。柔遠虜還啼。遺詔悲黃紙。深宮想弋絺。昆池連御宿。目斷草萋萋。大度包無外。卑梁隙早忘。息人關欲閉。屈己牘偏長。扼腕思頗牧。秋毫懼孔桑。焦勞貽帝坐。十載話淒涼。玉几傳真冷。金甌付太平。彌留仍被冕。備豫早書櫺。水鏡君心勗。郊官禮意精。非徒揚末命。萬世慮先成。鳳紀周纔半。龍輶去不回。千官苴杖位。萬國紙錢灰。勝水還悲慕。空山自往來。松風驅石馬。泣對羨門開。

碧雲寺

連峯浩奔駛。登高見如環。佛寺初不見。窈窕藏隈灣。入門忽金碧。百尺飛孱顏。穹梁跨陰壑。涌殿開中巒。螺旋上塏頂。俯視心骨寒。吾徒樂一眺。始作財力殫。想當伐石時。萬杵殷千山。淨虛屈雄鷲。化人豈求安。崇基有陀毀。成虧諒不難。惟有太古水。盤洄出人間。

臥佛寺

近山泉石佳。臥佛益峻清。古佛倦對客。高枕流水聲。方池窈深黑。墜瀑鏘然鳴。草樹掩壁色。繞林虛風生。宴坐入水氣。下有飛泉行。山空聞遠樵。微響激雷輶。長廊穿洞達。午貫何縱橫。庭前娑羅樹。柯葉交青瑩。上無凡禽棲。下無惡草萌。徑欲餌其實。使我煩疴平。

香山五絕句

六年西園住。始闕西山路。驅車指白雲。忽到雲深處。
路出甕山背。綠路青山長。溪旁多浣女。水流松花香。
林開秋原曠。時時肆飲飛。尙想先朝事。彌樓蟲翠微。
引泉過僧廚。石龍口吐水。水流出山去。活活聲在耳。
樓觀隱蒼苔。霜林一半紅。離宮三十六。深鎖夕陽中。

潘季玉養閒堂

人生識字始憂患。躑躅吞聲行路難。蝴蝶夢中身栩栩。芙蓉鏡裏面團團。
鼠肝忽解天弢遊物表。兩間何處不清安。短長世或憐臆脛。得喪吾何戀。
螟蛉果贏亦能豪。莫向比鄰歎不遭。任遣瘦羊呼博士。久將肥馬謝兒曹。
骨高贏得蕭閒堂裏坐。笑看人海莽勞勞。階前流水令心遠。戶外秋山與

孫翠西海客受經圖

天將六籍潤蠻荒。照海雲霞一葦杭。萬國冠裳陪冑子。三山職貢恪令王。
自將傳讀君家赤城賦。迴看旭彩滿博桑。同文象譯心能領。修藝珍肥手

題邊袖石詩本

寒鐙坐窗把卷疑。疑君直作古人詩。白雲在天月在手。超遙千里龍駒馳。十年客旅燕南垂。醉墨灑壁鴻淋漓。憂時涕淚飲入腹。茫茫春色登樓悲。只今身到蓬山上。猶似饑驅洛水時。神仙中人不易爲。玉山無禾鳳長饑。燕領終須飛食肉。莫羨紛紛昨暮兒。

彭餓夫墓

人生百年甘蔗渣。鐘鼓饌玉風中花。條侯主父要同盡。首陽清風生蕨芽。慙依故人共脫粟。伯夷所樹天所祿。仁者之粟不可常。我獨何爲害口腹。嘯臺激嘯高雲天。神遊清都飽紫烟。行人空挾一車飯。下馬孤墳二百年。

仙跡

仙跡爪沙處處留。子公招入帝城遊。怪迂欲擬文成將。囊橐多緣武定侯。堪笑馬醫原淺術。居然牛腹有奸謀。漢庭刀筆何曾重。只畏雕鷹在廩秋。

草野

草野常懷夢日心。拂衣歸去轉沉吟。掃門魏勃來何事。伏闕哀章去莫尋。一角神羊原突兀。九關猛虎失陰森。他年青史論功狀。不信登天有翰音。

贈前制府周敬修先生

堂上磔人如磔鼠。潁川大姓栗在股。威名萬里郅都鷹。拱手對賓色煦煦。盡尸深惡作屠伯。不侮孤惇稱

衆父令淵徙鱷江渡虎墨吏望風自引去只今行年七十六白髯飄蕭瞳正綠召來金殿伏青蒲愛國有懷傾不足上書慷慨策平邊一心推服林公賢天其福我厭此虜不見瑞麥在野雷誅祿嗚呼安得公及林公守圻甸方州得人士選練折衝六合有精神坐困鱷鯢可無戰

次韻吳清如留別二首

不聽寒山寺裏鐘陸沈金馬十年慵曾吟蜀棧王貽上還唱吳飲梁伯龍七子詩才餘綺麗一尊話別慙從容紫微坐惜君房去山色何如歸意濃江南草色綠絲絲白首來歸意恍然載筆含香猶昨夢看花縱酒憶當年秋風嫋嫋思何極暮雨瀟瀟曲可憐曾是執珪吟未已輸君先上五湖船

吳補之學士與清如同日乞假仍次前韻志別

不分清霜應九鍾掛冠同日託衰慵已聞溝唱東西水莫化雲追上下龍季子由來能讓爵長公本自不求容匡廬瀑布靈巖柱一樣秋光到眼濃九疑幽恨遠聯綿大樹風飄亦偶然紫極況逢明日日緋衫未到乞骸年思田賦就知難住相和歌成倍可憐不使貪泉留夢寐一江明月兩歸船

位西員外詩二十二篇。道光己酉手書。以詒方君勉甫者。咸豐戊午。予直書房。居澂懷園。勉甫以相示。予爲題詩其後。忽忽遂十年矣。始道光廿一二年。予初至京師。位西與予舅氏項几山先生。皆以博聞好古相愛。故予知位西最早。然方以從事科舉。未敢親位西。及道光之季。予與王定甫戴存莊輩。稍稍爲古文辭。時一見位西。然終不敢以所作畱位西。而位西頗知予。其賀予入翰林詩。極良友鑄切之意。蓋相愛甚至也。位西初以中書直軍機處。歷刑部員外郎。深識偉論。往往驚其儕輩。會朝廷出上相。經略廣西。位西決其十不可。語尤駭人。大臣某尤惡之。會河工需人。卽以位西名上。位西得東河。位西母老。遂奉以如工所。已而粵賊渡河北犯。遂言位西守不力。鑄二級罷去。位西飄然歸矣。咸豐己未。予由安慶引疾歸。位西在杭州。未能一相見。明年杭州陷。位西遂及於難。位西自重守古誼。固宜與流俗不相中。而天之厄之。顧亦如是哉。今年春。予重至京師。見勉甫問位西詩。勉甫復出此冊。予至不忍視。雖然。位西雖遭寇亂死。然竟能以名節自完。可傳於後世。而當時所謂大臣擠位西。以至於死者。今亦安在哉。嗚呼。此不足爲位西憾矣。獨以予之無似。承位西之相愛。而無所樹立。猶多有愧於位西之言。此可嘆也。戊辰七月十八夜半。書於雙樹齋。瑞安孫衣言。

此冊凡詩三十有四篇。位西自書。以詒沈尙書者。今亦爲勉甫所藏。位西旣歿賊中。其平生所爲文字遺稿。皆不得出。亂後。其友今相國湘鄉曾公。張君鼎。高君均儒。蒐索萬方。僅得十之一二。今可見者。儀禮通論上卷。古文三十餘篇。吳仲宣制府刻之淮安。其讀書日記。所謂枕行錄者。丁君丙刻之杭州。而予所見